

Na osnovu člana 29. Statuta Udruženja „Obrazovanje gradi Bosnu i Hercegovinu“, a u svrhu realizacije programskih ciljeva, Upravni odbor Udruženja d o n o s i

P R A V I L N I K

o načinu i uslovima ostvarivanja prava na dodjelu stipendija djeci i mladim koja su u ratu u BiH 1992.-1995. izgubili jednog ili oba roditelja, invalidnoj, talentovanoj i djeci i mladim u stanju socijalne potrebe

I – OPĆE ODREDBE

Član 1.

Ovim pravilnikom utvrđuju se osnove, način, kriteriji i postupak za ostvarivanje prava na dodjelu stipendija djeci i mladim koja su u ratu u BiH 1992.-1995. izgubila jednog ili oba roditelja, invalidnoj djeci i mladim čija je invalidnost posljedica rata u BiH 1992.-1995. godina, talentovanoj djeci i mladim iz oblasti nauke, kulture, umjetnosti i sporta, djeci i mladim u stanju socijalne potrebe koji se nalaze na redovnom školovanju u srednjim, višim i visokoškolskim obrazovnim ustanovama (u daljem tekstu: korisnici)

Član 2.

Izvršni direktor Udruženja „Obrazovanje gradi BiH“ (u daljem tekstu: Udruženje) donosi plan stipendiranja korisničkih grupa iz člana 1. ovog pravilnika za svaku školsku godinu, a u skladu s raspoloživim budžetskim sredstvima.

Član 3.

O stipendiranju korisnika iz člana 1. ovog pravilnika Udruženje „Obrazovanje gradi Bosnu i Hercegovinu“ će:

- objaviti javni konkurs
- imenovati komisiju za dodjelu stipendija
- zaprimiti prijave na Konkurs za dodjelu stipendija
- osigurati uslove za rad Komisije za dodjelu stipendija
- po završetku konkursa i izboru kandidata po prijedlogu Komisije za dodjelu stipendija zaključiti ugovore sa stipendistima
- vršiti doznaku sredstava korisnicima s prebivalištem van Kantona Sarajevo putem ovlaštene poslovne banke, odnosno podjelu sredstava korisnicima s prebivalištem na teritoriji Kantona Sarajevo u prostorijama Udruženja uz lični potpis korisnika
- pratiti realizaciju zaključenih pojedinačnih ugovora o stipendiranju

II – STIPENDIRANJE

Član 4.

Stipendije se dodjeljuju za period od deset mjeseci u kojima se nastava odvija u školskoj godini.

Sredstva za stipendiranje korisnika Udruženje će raspodijeliti po slijedećim procentima:

- 75 % za djecu i mlade koji su u ratu u BiH 1992.-1995. izgubili jednog ili oba roditelja,
- 10 % za invalidnu djecu i mlade,
- 10 % za talentovanu djecu i mlade,
- 5 % za djecu i mlade u stanju socijalne potrebe.

III – IZBOR KANDIDATA

Član 5.

Kandidat za stipendiranje popunjava prijavu na konkurs kojeg raspisuje Upravni odbor Udruženja.

Konkurs sadrži:

- uslove i kriterije koje kandidati trebaju ispunjavati;
- broj mjeseci na koji se stipendija odnosi;
- rok za podnošenje prijave;
- potrebna dokumenta koja se prilažu uz prijavu na konkurs.

Konkurs se objavljuje u tri dnevna lista koji izlaze na teritoriji Bosne i Hercegovine, kao i na web stranici Udruženja i Facebooku i Twitteru.

Troškove objavljivanja konkursa snosi Udruženje.

Prijava se dostavlja poštom na adresu: Udruženje „Obrazovanje gradi BiH“ , 71000 Sarajevo, Dobojska 4, s naznakom: Prijava na konkurs-ne otvaraj.

Član 6.

Izbor kandidata za dodjelu stipendija vrši tročlana Komisija za dodjelu stipendija (U daljem tekstu: Komisija) koju imenuje izvršni direktor Udruženja.

Komisija je dužna razmotriti prijave u roku od 20 dana od dana zatvaranja Konkursa za dodjelu stipendija i u narednih 10 dana sačiniti prijedlog za dodjelu stipendija.

U sastav Komisije imenuju se: predsjednik Komisije, zamjenik predsjednika Komisije i član Komisije.

Član 7.

Komisija ima slijedeće nadležnosti:

- donosi poslovnik o radu;
 - razmatra prijave za dodjelu stipendija;
 - primjenu kriterija i prioriteta za dodjelu stipendija;
 - podnosi prijedlog liste kandidata za dodjelu stipendija;
 - priprema za potpis ugovore s korisnicima stipendije;
 - sačinjava izvještaj o radu izvršnom direktoru Udruženja;
 - priprema odgovore po žalbama kandidata;
 - vodi pomoćne evidencije;
 - arhivira predmete u vezi s konkursom;
- Naknadu za rad Komisije određuje izvršni direktor Udruženja.

Član 8.

Pravo učešća na konkurs imaju učenici i studenti navedeni u članu 1. ovog pravilnika pod slijedećim općim uslovima:

- da su državljani Bosne i Hercegovine
- da imaju mjesto prebivališta na teritoriji Bosne i Hercegovine
- da redovno pohađaju srednju školu/fakultet na teritoriji Bosne i Hercegovine
- da za školovanje/studij ne primaju stipendiju ili drugu novčanu podršku
- da ne obnavljaju razred ili godinu

IV – SREDSTVA

Član 9.

Sredstva za stipendiranje korisnika Udruženje pravovremeno osigurava iz donacija i po osnovu druge zakonom dozvoljene djelatnosti za jednu školsku godinu.

Član 10.

Stipendija se ne može dodijeliti za dva ili više korisnika iz iste porodice, niti licima koja primaju stipendiju od drugog organa, institucije, organizacije ili fondacije.

Član 12.

Stipendije su nepovratne ukoliko stipendisti redovno pohađaju nastavu u školi, odnosno na fakultetu.

Član 13.

U slučaju da se naknadno utvrdi da su podaci – dokazi traženi konkursom netačni, korisniku se prekida isplata stipendije.

V – KRITERIJI ZA DODJELU STIPENDIJA

Član 14.

Komisija će u razmatranju prijave za dodjelu stipendije utvrđivati broj bodova za svakog kandidata prema slijedećem:

V.1. Kriteriji za bodovanje kandidata iz kategorije djeca i mladi koja su u ratu u BiH 1992.-1995. izgubila jednog ili oba roditelja:

1) bodovi po osnovu uspjeha u srednjoj školi

Dobar.....10 bodova

Vrlodobar...30 bodova

Odličan.....50 bodova

2) bodovi po osnovu uspjeha-prosjeka ocjena na fakultetu

6,5 – 7,5.....5 bodova

7,6 – 8,0.....10 bodova

8,1 – 8,5..... 20 bodova

8,6 – 9,0.....30 bodova

9 i više.....40 bodova

Studenti druge i svake naredne godine studija uspjeh u školovanju dokazuju uvjerenjem o prosjeku ocjena iz školske godine koja je prethodila godini kandidovanja za stipendiju, a ostvareni broj bodova uzima se kao kriterij.

3) bodovi po osnovu socijalno-ekonomske situacije - prihoda po članu domaćinstva

Bez prihoda.....50 bodova

Do 150 KM.....30 bodova

Od 151 do 250 KM.....20 bodova

Od 251 do 400 KM.....10 bodova

Preko 400 KM.....0 bodova

Član 15.

V.2. Kriteriji za bodovanje kandidata iz kategorije djeca i mladi koja su od posljedica rata 1992.-1995. postala invalidna:

1) bodovi po osnovu uspjeha u srednjoj školi

Dobar.....10 bodova

Vrlodobar...30 bodova

Odličan.....50 bodova

2) bodovi po osnovu uspjeha-prosjeka ocjena na fakultetu

6,5 – 7,5.....5 bodova

7,6 – 8,0.....10 bodova

8,1 – 8,5..... 20 bodova

8,6 – 9,0.....30 bodova

9 i više.....40 bodova

3) bodovi po osnovu socijalno-ekonomske situacije - prihoda po članu domaćinstva

Bez prihoda.....50 bodova

Do 150 KM.....30 bodova

Od 151 do 250 KM.....20 bodova

Od 251 do 400 KM.....10 bodova

Preko 400 KM.....0 bodova

4) bodovi po osnovu stepena invaliditeta

Od 60 % do 80 %.....10 bodova

Od 81 % do 100 %.....20 bodova

Član 16.

V.3. Kriteriji za bodovanje kandidata iz kategorije talentovana djeca i mladi, kao i djeca i mladim sa posebnim nadarenostima.

Pod talentovanom djecom i mladim, kao i djecom i mladim sa posebnim nadarenostima podrazumijevaju se:

a) stipendisti Fonda „Pavao Jusuf Urban-Ibruljević“ koji na kraju srednjoškolskog obrazovanja imaju srednju ocjenu 5,00 i studenti koji imaju najmanju srednju ocjenu 8,50. Za ovaj Fond konkurs je raspisan za školsku 2012./2013. godinu i stipendiranje se nastavlja u narednih pet godina za korisnike koji ispunjavaju gore navedene uslove.

b) djeca i mladi koji na federalnom i državnom nivou osvoje prvo mjesto u kategorijama društvenih, tehničkih i predmeta muzičke kulture.

c) djeca i mladi koji su nadareni za pisanje poezije i proze, sa preporukom predmetnog nastavnika.

d) djeca i mladi koji na državnom nivou osvoje prvo mjesto u sportskim disciplinama, a na prijedlog sportskih saveza Bosne i Hercegovine.

U svim slučajevima prednost imaju djeca i mladi koja su u ratu u BiH 1992.-1995. izgubila jednog ili oba roditelja.

Član 17.

Kod dodjeljivanja stipendija prioritet će imati kandidati:

- koji su u ratu ratu u BiH 1992.-1995. godine izgubili jednog ili oba roditelja;
- koji pokazuju bolji uspjeh u školovanju,
- kod kojih je nepovoljnija socijalno-ekonomska situacija domaćinstva,
- koji nemaju riješeno stambeno pitanje.

Član 18.

U slučajevima kada je broj bodova izjednačen prednost imaju kandidati koji su stipendiju koristili u prethodnoj školskoj godini ukoliko uz prijavu za stipendiranje prilože konkursom tražene dokumente.

Član 19.

Broj stipendija i novčani iznos stipendija za svaku školsku godinu dodjeljivat će se i isplaćivati u zavisnosti od priliva sredstava u Budžet Udruženja.

Član 20.

Stipendiranje djece i mladih romske nacionalne manjine regulisano je posebnim pravilnikom Udruženja „Obrazovanje gradi BiH“.

Član 21.

Dodjela stipendija djeci i mladim u stanju socijalne potrebe uključujući ekstremno siromašne, autistične, slabovidne i invalidne kandidate čija invalidnost nije posljedica rata i socijalne slučajeve koji nisu obuhvaćeni ovim Pravilnikom rješavat će menadžment Udruženja pojedinačno za svaki slučaj pri čemu će se prednost davati djeci i mladim iz porodica boraca i pripadnika MUP-a - učesnika rata u BiH 1992-1995. godine i po preporukama nadležnih organa i institucija.

VI – ZAVRŠNE I PRELAZNE ODREDBE

Član 22.

Ovaj pravilnik stupa na snagu danom donošenja.

Izmjene o dopune ovog pravilnika vršit će se kao na način njegovog donošenja.

Broj: 2-63/13
Sarajevo, 07.06.2013

PREDSJEDNIK UO

Redžad Ćatić